



I. O. Slangendorp


Falsæ Perfectionis


Destructio.

Hafniæ 1594.




Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
LN 1493 4°





Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
LN 1493 4°



Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
LN 1493 4°



Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
LN 1493 4°


4. - 42.


DA BOX

LN 1493

M







FALSAE PERFECTIO
NIS DESTRUCTIO, ET VERÆ,
DEI IN VERBO MANDATÆ
EXSTRUCTIO, PAUCIS

Theſibus comprehenſa, ad quas

GVV Deq̃

*

Preſide

IOHANNES OLAI SLANGENDORPIO,

1. May, reſpondebit in Regia

Academia.

GVDMVNDVS ENERVVS

Islandus.



1260
HAFNIÆ
Impreſſit Matthias Vinitor.

1594

QVAESTIO.



Via ad hunc finem, omnes Christo initiati & sacro-
sancto eius lauacro regenerati sumus, nempe ut per
germanæ fidei fructus, in sanctorum communionem
recipiamur & domestici Dei fiamus : quæritur an
aliquis propter Obedientiam, Dei in verbo mandatam, disciplinam
honestam, vitæ sanctimoniam actionumq̃, perfectionem vitæ sibi
arrogare eamq̃ iactare aut debeat aut possit? Siquidem memor
sit eius dominici præcepti : omnia, cum feceritis dicite &c.

THESIS.

I.

Hoc olim arroganter Cathari & Adamiani, quippe Mani-
chæi quoq̃ iactantes, affirmarunt renatos ad eam perfectionem
ascendere in hac vita, ut nullo modo peccare possint, licet maxime
velint. Valentiniani quoq̃ se τελεῖς καὶ ὁρµατὰ ἐκλογῆς nomina-
bant. Hieronymus & Augustinus contra Pelagianos
differentes (produnt) eos affirmasse, hominem in hac vita om-
ni peccato carere, ac proinde perfectum dici. Nostro etiam seculo
infelices Anabaptistæ, eandem quasi postliminio quietis restitui-
tam, agitantes, nuditatem atq̃ innocentiam Adæ conati sunt, sed
infeliciter exprimere.

II.

Si erga nemo asserere veritatem Christi à mendacio poterit,
pristinoq̃ restituere candori, nisi detecta & confutata detorsione
corruptioneq̃ diuinarum scripturarum: hæreses, errores & men-
dacia oppugnauerit, illibatamq̃ vindicauerit veritatem : Sanè
meæ fidei esse putari, hac de re iuuentutem commonefacere, &
Sophisti.

sophisticam perfectionem iugulare, potissimum quòd illa inanes atq; turgidas, sed fallacissimas persuasiones hominibus instillet, quibus ipsum fundamentum religionis sanctæ subruitur atq; euertitur; immo totus articulus, de iustificatione, non obscuratur solum: sed funditus quoq; perit, nec mirum quando huiusmodi impostores Dei gratiæ detrahant, neq; eam iustitiam, ceu unicum sepimentum, quæ est Christus bene viuendi prora & puppis, in ea quærent, sed sepulchrum dealbantes, splendoris speciem præfere-
rens, intus verò putredine & pessimi fœtoris cadauere plenum.

III.

Sit igitur hic ordo disputationis præsentis, ut primum dica-
mus de ipsa voce perfectionis tum & de eius distinctione. Hanc
ut Sophistæ & Hæretici iactant, nec omni scelerum genere coos-
perti, erubescunt efferre contra Christum: ita nos & Dei ex vera
bo, & rationibus firmissimis eam iugulabimus, vanamq; esse ostens-
demus. Ac deinde verâ, quanta licebit breuitate, his Thesisibus
adducta, abunde mihi satisfactum existimo, si finitionem siue re-
gulam vniuersalem ostendero, quâ pietatis amans, ad rectum con-
stituendæ vitæ scopum deducatur, atq; ad eum officia sua non malè
exigat.

IV.

Vox perfectionis quæ Hebræis est Thom & Thamim in sa-
cris propriè & tropicè usurpatur. Propriè in adiunctis scilicet re-
bus corporalibus: tropicè quando per Methaphoram transfertur ad
res spirituales siue qualitates hominis.

V.

I. modo significat rem aliquam præsertim corpoream, inte-
gram, non corruptam, mancā aut mutilam: sed talem in quâ
nihil desiderari possit, hoc est omnibus numeris absolutam ac om-

nino plenam, unde & hac significatione in genere, perfectum defini-
mus, esse absolutum, quod omnibus numeris integrum sit cui
non possit addi. Græci autem in hac σημασία, sic quoque definiunt, τὸ
συμπληρούμενον τῷ ἰσῷ τῆς φύσεως λόγῳ i.e. perfectum est quod
completum est, propria naturæ suæ ratione.

V I.

Hanc definitionem, quum & tale συμπληρούμενον nulli homi-
num hic detur, nec ullis meritis nostris acquiratur, sed Dei mis-
ericordia & Christi merito nobis in vita æterna restituatur, ubi
Dei imago iterum ad ἀρετῶν conformata spectabitur, ex hac
disputatione rejicimus.

V II.

Secundo modo, quando ad dicta scripturæ pios designantia,
transfertur vox Thamim per Metaphoram, non est intelligenda
de summa quadam perfectione, quæ non tantum omnes partes in
substantia, sed & omnium partium quantitatem ac summos gra-
dus habeat.

V III.

Nam sicut in rebus corporeis & sensibilibus, ut Ezech : 15.
v. 2. ubi de Iudeis per allegoriam dicit ; vitem ante adustionem
esse Thamim id est integram, illæsam, non fractam aut adustam :
& in descriptione victimæ Exodi. 12. . 5. quâ præcipitur, ut sit
agnus Thamim id est integer non mutilus, mancus, claudus, &c.
non agitur de absoluta quadam aut omnimoda perfectione vitis
vel agni, in quo nihil prorsus reprehendi queat : ita nec quando
Noah, Abraham aut alij, scribuntur perfecti per Metaphoram,
intelligendum est, quasi Noah, Abraham aut alij peregrinantes,
in tabernaculo siue Ecclesia Domini, omni prorsus næuo careant,
sintque in summæ cuiusdam perfectionis statu. Quare si vice versa,
intelligas summam quandam absolutionem aut perfectionem, des-
perationis dicta erunt. Nullus enim usquam gentium ita prorsus
abso-

absolutus, perfectus vel ἀμεμπτος repertus est, unico excepto Christo.

IX.

Ex Etymologia & definitione nunc satis apparet, perfectionem Sophistis significare gradum dignitatis humanæ naturæ, ex quo homo decidit per peccatum, & ad quem si reuertatur in hac vita, sui conseruationem attingit, nec esse quò aspiret ultra, quod philosophi vocant τὸ τέλειον ἐν ὑπεροχῇ, vnde & hac perfectione decepti, non solum dicunt, perfectum aliquod & absolutum ab homine præstari posse, quod coram Deo valeat tanquam meritum: sed etiam perfectionem ita redundantem faciunt, vt non solum pro ipsis, sed etiam pro alijs imperfectis impendi possit.

X.

Hæc doctrina cum prorsus intolerabilis sit, falsa erit hæc perfectio, cui opponimus veram, ita vt alia sit falsa, alia vera perfectio: sicut ergo omnis qui falsam hanc approbat, sibi nescio quam viuendi rationem, sanctitatemq; promittens, à cœtu illo hominum (quem Deus & sibi aggregari & conseruari voluit) alienat: ita omnis qui ad veram aspiret, oleo sancto inunctus est, & Christi sacerdotium suscepit, à quo vicissim omnis qui alienus est, caput eius quod vnum est non agnoscit, sed aliunde, non per ianuam quæ itidem vna est, adeoq; non per vnum Saluatorem & mediatorem nostrum, ingredi cœlum contendit.

XI.

Cum itaq; falsa hæc & hypocritica perfectio, vergat in ignominiam filij Dei, quæ exstinguit, in animis hominū meritum ei⁹, totosq; nos rapit in propriæ dignitatis admirationem, immo possibilitatem hanc ita diffundit, vt alijs communicet perfectionis opera, nunc nervos falsæ perfectionis scripturis & rationibus exscindemus.

A 3

Genes:

Genes. 6. . 5. & 8. . 21. Esa. 9. . 17. Psal. 143. . 2. & 51.
. 7. Ose. 4. . 1. Mich. 7. . 2. Iob. 15. . 15. 25. . 4. & 5. Tum. 7. . 20.
item 15. . 13. & 24. Ecclesi. 7. . 5. Proverb. 24. . & 16. Ioan. 13.
. 10. Rom. 3. . 10. & 11. His & similibus locis scripturae facile
euinci potest, nullam talem in hac vita perfectionem statui posse,
quae valere possit coram Dei iudicio, unde sequitur, falsam exsi-
bilendam, quam nunc deinceps rationibus impugnabimus.

XII.

I. Falsae perfectioni repugnat confessio Apostoli Rom. 7. 23.
video aliam legem in membris meis, & iterum non ego, quod volo
bonum hoc ago, sed quod nolo malum hoc facio. Ex his si conclus-
das, sequitur: Si Apostolus quod voluerit, implere non potuit,
multo minus alius implebit, & perfectus erit. Atq. verum quod
antecedit. Ergo & quod sequitur. II. Repugnat ipsa fides, quae
si semper incrementa habet, idq. per crebra & quotidiana pietatis
exercitia, tametsi nunquam ad summum perfectionis gradum per-
uenerit: Sanè non possunt credentes esse perfecti. At hoc verum.
Ergo falsum contrarium. III. Repugnat restitutio imaginis
Dei. Atq. haec imago non potest perfectè restitui in hac vita. Ergo
quā diu illa restituta non fuerit, tam diu frustra homini tribuimus
perfectionem. IV. Repugnat quoq. poenitentia piorum: Si enim
idipsum quod agimus poenitentiam nisi Dei nitamur auxilio, im-
plere non possumus, sequitur nos prorsus esse imperfectos. At non
possumus. Ergo. Minorem probat Ieremias Cap: 31. . 18. Conuerte
me & conuertar, quia tu Dominus Deus meus. 19. postquam con-
uertisti me egi poenitentiam. V. Repugnat confessio omnium pios-
rum. Nam si tum primū iusti sumus, quando nos peccatores fate-
mur, & iustitia nostra non ex proprio merito, sed in Dei consistit
misericordia.

misericordia, sequitur impletione legis, nullo modo nos esse perfectos. At hoc sic. Ergo & illud. *V I.* Communis quoque orandi formula nos omnes reos facit, quæ non poterat communiter præscribi omnibus, nisi omnes imperfectione laborarent. Illa autem est: Remitte nobis debita nostra: Sed nullus in Ecclesia Dei reperitur, in quolibet profectu, excellentia, atque iustitia, qui sibi audeat dicere, non necessariam precationem orationis Dominicæ: Remitte nobis debita nostra. Ergo omnes se imperfectos fateantur necesse est. *V II.* Repugnat quoque perfectionis forma, nempe obedientia, quæ est quasi consequens fidei. At hæc obedientia quamvis necessaria, etiam in renatis est imperfecta. Nam semper manent in hac vita in renatis peccata. Ergo vana est sophistarum perfectio.

X I I I.

His addo experientiam iudicem, cuius infallibili quadam testificatione, ex una aut altera parte officij præstandi erga proximum (impossibile enim esset) singula genera persequi, præ omnes euidenter intelligent, quam longè absint à perfectione.

X I V.

I. Christi autoritate scimus post fidem, charitatem esse legis ac prophetarum caput, & præceptorum omnium primum maximumque, nunc ex lege et mandatis diuinis in genere proximos diligere iubemur, non personas, nempe amicos, familiares, notos, sed externos, inimicos, adeoque pauperes omnes & quauis calamitate pressos afflictosque. Nam & hi eandem nobiscum naturam sortiti sunt, atque eodem luto, ex quo primum creati sumus, effecti atque conflati &c. Tum eundem Christum secundum interiorem hominem induerunt, atque eundem nobiscum spiritus arrabonem fidei suæ commissum habent, qui denique earundem nobiscum legum participes

ticipes facti sunt, eorundem oraculorum, testamentorum, mysteri-
orum eiusdemq; spei, atq; ut reliqua omittam & nos & hi omnes
vnum in Domino sumus, omniumq; vnum caput, ex quo omnia,
Christus. Verum hi fortuna, honore, dignitatibus, pecunijs, genere,
forma, & amicis accisi ac spoliati, in manus nostras intuentur,
ut nos in Dei manus, cum re aliqua egemus intueri solemus &c.
Sed numquid in hoc aut simili casu, iuxta Dei mandatum: dili-
ge proximum tuum sicut te ipsum, semper humanitatis ac memo-
res miserationis, sunt perfectionis ebuccinatores? prodeat ergo
iam experientia iudex, quæ incorruptè pronunciat, eos fratres de-
spexisse, præterisse, & ut scelus, ut piaculum aut aliud quiddam
fugiendum atq; interdictum auersatos? Nunc ergo qui perfectio-
nem iactant, si perfecti sunt, cur non fluxas & perituras facul-
tates, in proximos suos, egena Christi membra conferunt? per-
suasi ex Dei verbo de remuneratione amplissima? Si non confe-
runt dubitant, nec diligunt proximum, ergo quoq; non sunt per-
fecti.

XV.

II. Ut singulos reipub: Christianæ status præteream, saltem
addo etiam ideam perfectionis, omnium virtutum cumulum argue-
re, in eo, in quo elucescit: itaq; præclara virtus est, iugis medita-
tio verbi diuini, & eius viuæ praxis, præclara quoq; humanitas,
lenitas, clementia, æquanimitas, Zelus, corporis mortificatio &
contusio, ac reliquæ omnes. Prodeat iam iterum experientia, quam
fingamus compellare non gentes, aut barbaros, sed christicolos per-
fectosq; atq; eos iubere ut appenso speculo sese contemplari dili-
genter, descendereq; in seipsos velint, si autem rigore legis diui-
næ ita euincuntur, ut ne perfectionem vnius virtutis proferre
possint, quæso, quid ad cumulum, siue cateruam reliquarum, apud
tribunalia.

tribunalia Dei responsabunt? Vbi nullæ larvæ, nullæ hypocrifes obtinebunt? Quare ad Christum confugiant necesse est, abeantq; in conclauia genibusq; prouolutis orent: Domine omnipotens Deus, miserere nostri. Nam cum nos miseri nullam excusationem prætere possimus, oramus te Dominum nostrum supplices, vt nos tua gratiâ & misericordiâ digneris, quâ gratuitò condonas & non imputas admissa scelera. Ergo misericors Deus nostri miserere Amen.

XVI.

Postremò his quoq; adiungimus exempla sanctorum, vbi videbimus nec vllum sanctum ita esse perfectum, vt possit dicere se esse immunem prorsus à peccato, considera Adamum, Abrahamum, Lothum, Dauidem, Samsonem, Salomonem, prophetas omnes et Apostolos, quorum insignes lapsus, imperfectionem in hac vita prorsus arguunt, huc accedunt piorum tentationes. Etenim desiderijs quousq; in carne viuit, nemo carebit, ideoq; nemo liber à tentationibus, proinde imperfectus. Quare Sophistarum perfecti & sancti similes sunt sapientibus Stoicorum, qui tales finxerunt sapientes, quales nulli vnquam fuerunt in rerum natura, sic Sophistæ hac stulta atq; impia persuasione, adegerunt seipsos & alios, infinitos ad desperationem. Atq; sic refutauimus falsam perfectionem, vanam ac sophisticam, sequitur vera, de quâ quoniam in re quâq; constare debet, eademne existat, tum quid sit & qualis sit, his tribus breuiter explicatis, absoluimus nostrum institutum.

XVII.

Si Christiani & fideles nominantur perfecti in scripturis, esse aliquam perfectionem, eamq; veram, & verbo Dei consentaneam, dubium esse non potest, At verum quod antecedit. Eph: 4. .13. Phil: 3. .15. Matt: 5. .48. 1. Cor: 1. .10. & 14. .20.

B

C

¶ 13. .1. Coloss:1. .28. 1. Pet:1. .13. Matth:19. .21. Ergo & quod sequitur. Quare & quid illa sit, iam inquirendum, ne Sophistica & Vanæ eam immisceamus.

XVIII.

Perfectio christiana est agnitio suæ imperfectionis, & vera Christi cum cognitio tum fiducia, quâ penitus persuasi, discedimus à voluntate propria, Deiq; voluntatem sequimur cui postpositis omnibus mundi rebus, obedientiam vnicè præstamus, ad eamq; vitam nostram conformamus. Hæc qualiscunq; definitio, cum satis euidenter monstret qualisnam esse debeat perfectio christiana, quod postremum erat instituti nostri, eius membra breuiter retexam.

XIX.

Ad huius finitionis communitatem declarandam, dicimus esse agnitionem suæ imperfectionis: Etenim renouatio quam operatur Spiritus Sanctus in iustificatis, non perficitur quoad hîc viuunt, sed tantum inchoatur. Nam manent in carne renatorum, multæ magnæ & prauæ concupiscentiæ, quas renati magnopere deplorant, Heb:12. .2. Circumstat nos peccatum. Et caro nostra est maculata tunica Iudæ 2. .3. Psal. 31. .5. Delictum meum cognitum tibi feci, & iniustitiam meam non abscondi Rom:7. v. 18. Scio quod non habitat in me, hoc est in carne mea bonum.

XX.

Pij ergo & fideles inde animaduertentes suam externam obedientiam, sua opera bona, non esse aut fieri posse perfectâ. Esa: 64. .6. Quasi pannus menstruatae vniuersæ iusticiæ nostræ.
Rom: 8.

Rom: 8. . 23. tantum habemus primitias spiritus, Gala: 5. . 5.
Et spiritu ex fide spem iusticie expectamus. Quare neq. his co-
ram Deo confidunt, sed vt ad perfectionem perueniant suam im-
perfectionem agnoscunt.

XXI.

II. Ad eandem communitatem declarandum, dixi esse veram
Christi cognitionem. Nam Christi cognitio. I. principium est vitæ
et primus ad pietatem aditus. II. Modus etiam est, quo nos omnium
bonorum Deus facit compotes. Ac III. Nullus spiritualium dono-
rum vsus in salutem esse potest, donec Christi doctrina illuminati
Deum cognoscimus, tum huic cognitioni fiduciam addo, vt osten-
dam eam non esse nudam vel otiosam ac infructuosam etiam, sed
viam ac *περὶ τῆς εὐαγγελικῆς*.

XXII.

Ergo vbi Christi cognitio vna & efficax existit, fieri non
potest, vt quis verè eâ præditus dicatur, qui fructus germanos
fidei non habeat, adiunctos. Itaq. vt simul quoq. ostenderem qua-
tenus generis communitas, propositam rem contineret, differen-
tiam siue particularem notionem hanc, tertio loco dixi, quâ vera
perfectio constituitur discedere à voluntate propria.

XXIII.

Etenim cum homo voluntatem suam sequendo, intereat
prorsus necesse est, ergo si velit instaurari, (vt quoniam contra-
riorum contraria sunt remedia) discedat à voluntate sua, Dei-
q. voluntatem sequatur, quippe cum sit hominis voluntas Dei volun-
tati contraria, & nemo possit duobus contrarijs Dominis seruire.

XXIII.

Præcipua igitur cura, primumq; studium pio homini sit, scire voluntatem Domini Dei sui, & quid ei placeat, quidue displiceat diligenter inquirere, ut secundum Apostolum rationabile Deo reddat obsequium, totumq; vitæ suæ cursum, ex eius possit ordinare sententia.

XXV.

Christus Matt: 10. . 37. inquit: qui patrem & matrem amat plus quam me, non est me dignus. At voluntas propria, naturaliter amat parentes, fratres, sorores, domos, agros, & reliqua quæ iure pecuniario possidentur. Hæc enim sunt præsentis subsidia vitæ, sed nunc proponitur conditio, ut Christum dimittas, si illos tecum habere desideres, et fieri etiam potest, ut dicatur christiano, ab aliqua potestate, aut Christianus non eris, aut si in eius confessione permanere perrexeris, necessarios tuos, agros, domum, possessionesq; non habebis. At pius & fidelis, Dei voluntatem in verbo expressam novit, centuplum accipiet, & vitam æternam possidebit, qui reliquerit domum vel fratres, patrem aut matrem, Matt: 19. . 29. Quid igitur iam facit? Sanè ne hæc longè maxime amittat, immo qui meminit se veraciter esse christianum, cum audierit, sibi illa proponi, quòd nisi hæc omnia perdere velit, dimissurus est Christum, apprehendit potius turrim fortitudinis, à facie inimici, & si suorum orbitates vel separationes pro Christo minatur hic mundus, oderit parentes, fratres, filios, uxorem. Ad hæc: Si de ipsa corporis vita, cum aduersario paciscendum erit, ne desertus deferat Christus, oderit insuper animam suam, de his quippe, & similibus mandatum acceperat, quòd aliter Christi discipulus esse non possit.

XXVI.

XXVI.

Hac Christi cognitione, fiducia & voluntate Dei confirmatus Abraham, non suam voluntatem Dei voluntati, aut ^{σπερὶ} ^{φωτὶ} Dei amorī prætulit, dum iuberetur mactare filium suum, unicum vitæ solatium Abrahamo seni & sanctissimæ matronæ Saræ, sed ut voluntati diuinæ pareret, suam voluntatem & carnis affectum iugulauit penitus.

XXVII.

Eodem modo de Dei voluntate, edocti multi vtriusq; sexus, clarissimi & opulentissimi homines, olim martyrij gloria sublimati, non tantum esurientem Christum pauerunt, sitienti potum dederunt, nudum vestierunt, peregrinantem susceperunt: Sed etiam fiduciâ Christi & spe beatæ remunerationis armati, quemadmodum parentes, filios, fratres, uxores, hoc modo & omnia bona mundi relinquere, si talis conditio proposita fuisset, ut nisi dimisso Christo, eas habere non possent, infracto erant parati animo.

XXVIII.

Verum qui ita sunt affecti, erga voluntatem Domini Dei sui, & si non quantitate & gradibus, nihilominus iure ac merito ^{σχετικῶς} hoc est eorum respectu, perfecti dicuntur, qui quemlibet disertè & volubiliter de Euangelio garriant, quia tamen seculo huic non renunciant, aut voluntati Dei sese deuouent, non modò à creatore suo, pessima perfidia deficiunt, sed ipsum quoq; seruato-rem eiurant. Non enim linguæ tantum est euangelij professio, sed vitæ, nec in intellectu, memoriaq; duntaxat apprehenditur, ut reliquæ disciplinæ, sed tum recipitur dum ubi animam totam possidet, sedemq; & receptaculum inuenit in intimo cordis affectu.

XXIX.

*Ultimò etiam ad particularem notionem definitionis adiecti,
obedientiam vnicè voluntati Dei præstandam.*

XXX.

*Hæc licet ex superioribus satis intelligantur, tamen iusta
& sincera obedientia, non tantùm se exerit in Deum, cui multi-
plici iure est obstricta, sed & proximum complectitur. Quare &
sua recipit complexa, monetq; vt diligenter consideremus quibus
nos diuina voluntas subiecerit, ne temere quibusuis obediamus,
legitimis enim si obediatur iuxta voluntatem Dei, Deo obeditur
semper. Igitur obedire oportet Christo communi nostro domino, de
quo clamat pater, Matt: 3. .17. Hunc audite. II. Christi ministris
Matt: 10. . Qui vos audit me audit, III. Magistratibus iuxta præ-
cipientibus Rom: 13. .1. Tit: 3. .1. Pet: 2. .13. IV. Viris mu-
lieres, Genes: 3. .16. Coloss: 3. .18. Ephes: 5. .22. Parentibus li-
beros Ephes: 6. .1. &c. Secundo quomodo? Nimirum 1. Vt
non simpliciter quæ ille præcepit opere, sed animo quoq; sincero fi-
deli ac voluntario perficias, quo, ipsi menti Dei obedias, idq; ma-
gna cum delectatione. 2. Non quibusdam tantùm præceptis Dei,
sed omnibus obedias. 3. Non ad tempus deniq; sed per omnem vi-
tam obedientiæ studeas. 4. In qua re? hîc non locum habet vlla
præsumptio, sed vni est voluntati Dei obsequendum. Nam extra
hanc, non poterit esse vera obedientia, quidquid simulaueris.*

XXXI.

*Cæterum postrema particula erat, ad Dei voluntatem, vi-
tam nostram esse conformandam: Hæc his absoluitur. 1. puritate
affectuum, quæ agnitione nostræ infirmitatis, fiduciâ mediato-
ris, & voto pietatis continuandæ æstimatur. 2. Morum integri-
tate,*

tate, quæ pietate erga Deum, sanctimonia vitæ, dilectione erga
homines & sancta inuocatione absoluitur. Ac 3. abnegatione sui
ipsius. Nunc si abnegauimus nos & nostri non sumus, sed Do-
mini Dei nostri, & quis error sit fugiendus, & quorsum sint di-
rigendæ vitæ nostræ actiones vniuersæ apparet. Nostri non su-
mus, ergo ne ratio nostra in consilijs nostrisq. factis dominetur.
Nostri non sumus ne statuamus nobis hunc finem, vt queramus
quod nobis secundum carnem expediat. Nostri non sumus ergo
quod licet obliuiscamur nosmetipsos, ac nostra omnia. Rursum
Dei sumus, illi ergo viuamus ac moriamur. Dei sumus, cunctis
ergo nostris actionibus præsideat sapientia eius, ac Dei voluntas.
Dei sumus, ad illum igitur tanquam solum legitimum finem con-
tendant omnes vitæ nostræ partes.

XXXII.

Huiusmodi hominis verum erga Deum studium, obedi-
tia, & vitæ integritas, perfectionis elogio subinde in scripturis
ornatur & 1. quidem propter respectum ad superiorem vitam,
quâ in tenebris & ignorantia Dei viximus, 2. Propter imputa-
tionem, etsi enim sordes multæ adherent sanctis: tamen Deus sor-
des istas non imputat, modo spiritu eius ducamur. 3. Quia ad il-
lam perfectionem gloriosam tendit, quæ sanè æstimabitur per
fectionem iusticiæ, vbi erit plena glorificatio sanctorum,
plena noticia Dei, absoluta cordium puritas &
perfecta obedientia in omni æterni-
tate.

F I N I S.

